

〔清〕易顺鼎 著 陈松青 校点

易顺鼎诗文集 ②

湖湘文库编辑出版委员会 湖南人民出版社



〔清〕易順鼎 著
陈松青 校点

易順鼎詩文集

二

湖湘文库编辑出版委员会
湖南人民出版社



湖湘文库
甲编

易顺鼎诗文集

(二)

卷十 甲午 乙未

(光绪二十年至二十一年 1894—1895)

甲午

感事书怀八首 甲午七月^①

509

羽书络绎出三韩，又报倭奴起衅端。九叶藩封周正朔，千年礼乐汉衣冠。枕戈将士忘身热，尝胆君臣念齿寒。万圣英灵在中夏，定教复卫有齐桓。

袞袞诸公满汉京，不应无计答升平。已看东帝连西帝，犹自南兄倚北兄。骑虎势难今日下，屠龙技早昔年成。版泉涿鹿天王事，莫道皇家总厌兵。

蓬莱宫殿水中央，太液烟波接莽苍。兵气遥通威海卫，边愁暗入倚虹堂。似闻春色仙桃饱，谁信秋声若木凉。欲得长生万年

① 从此题至《丧礼有“鹿裘”之文，殆谓粗裘也。余严冬北行，不敢服裘，笠堂舅、梦湘兄悯其以寒致疾，各赠羊裘一裘，赋此志悲》录自《四魂集·魂北集》光绪二十二年丙申（1896）刻本。光绪二十一年乙未（1895）初刻本《魂北集》下有小注：“母服小祥后，奉父命墨经从戎七律诗一卷。”且多出一诗《十二月二日赴都察院上书，即事有作》。

药，何时弱水变琼浆。

象雉来庭路不迷，何年却隶大荒西。自从瘴海鲸鲵掣，久失炎洲翡翠栖。东望神山空黑子，南看属国阙雕题。汉家尚有滇祠在，头白王褒祀碧鸡。

西山北海接迢遥，金虎宫邻匪夕朝。宿将新亡班定远，雄边谁是李文饶。匈奴附汉形翻弱，安息通秦势更骄。今日中朝怀旧相，湘阴门第且萧条。

汉南种柳发新枝，司马风流海内知。人望救时贤宰辅，公如入定老禅师。神州赤县常深念，魏阙沧江有坐驰。作茧自缠今数载，马鞍山下鬓成丝。

尚书昔日铸金枷，时论纷纭物望赊。近喜三湘除伏莽，新闻六郡选良家。筹边马援曾留柱，奉使张骞好泛槎。垂老功名要横海，不须回首望长沙。

万古春晖付逝波，机声灯影断肠多。久甘郑缓为松柏，岂但王褒废蓼莪。杖履东山犹好在，觚棱北极更如何。沉湘蹈海终当决，愿效汪童一执戈。

上海感怀今昔，示《申报》馆诸人六首 九月

猴儿年到马儿年，家国茫茫有变迁。苍狗白衣悲世事，青牛紫气愧神仙。十年杜牧扬州梦，三度麻姑沧海田。渐欲将身化黄

土，尚来搔首问青天。

旧交痛哭李芋仙倪云癯程蒲孙，聚首须臾异死生。酒客诗人葬龙虎，顽仙才鬼跨鸾鲸。黄公垆若山河隔，青史名难天地争。带水拖泥吾倦矣，亦思撒手御风行。

昔见钱侯昕伯已老苍，万言落纸挟风霜。扬州何逊桂笙为俦侣，江夏黄童梦旼与颀颀。薄海人知公论在，中华气赖此贤昌。匹夫言可法天下，努力尊周师素王。

511

天南遁叟王紫诠近如何，齿豁头童十载过。我似丁威反华表，君如子训抚铜驼。居然鲁国灵光殿，到处尧夫安乐窝。闻道风怀仍未减，日揩老眼对梨涡。

昔日周郎意气豪，醉中睥睨古神皋。天吴紫凤为奇服，含景苍龙有佩刀。三十功名尘与土，五千道德粕兼糟。而今万卷都无用，日诵金经当楚骚。

尻轮神马四天下，炙輠雕龙九大州。狗脚纷纷自称朕，羊头衮衮尽封侯。生民渐有倒悬厄，天子能无下殿忧。佛眼看来可悲悯，那禁独立泪横流。

舟泊阊门作

金阊门外哭秋云，城郭荒荒水二分。何不学仙丁令语，自然流涕子山文。江南有地堪埋我，天下无人尚识君。犹有故交三两

在，吹箫市上一相闻。

柬吴中朋旧四首

不知今日是何缘，忽复腾云到海边。鲁叟丧家身类狗，蜀人望帝魄成鹃。思亲故国三千里，吊梦空江二十年。呼遍楚天浑莫应，可能呼得应吴天。

才见江南便涕零，江南如梦几回经。皋鱼立槁吾惭子，辽鹤归来客姓丁。未死须先收脚迹，虽生不复有魂灵。诗成莫作新诗读，只作秋坟鬼唱听。

慈恩罔极报奚从，此恨难随历劫终。尚有心肝存世上，真无面目见江东。沉湘负石盟当践，填海移山事岂空。怕见故人相慰勉，亦知堂上有衰翁。

抚今追昔酷伤怀，反复思量觉死佳。鸿墓好为容膝庑，虎丘堪作舍身崖。故人爱我宜生祭，造物怜余悦活埋。叶落归根狐正首，苏州是否小眠斋。

为敬摹家慈遗像，寓居

上海萧寺中，感事书怀，成长句十首^{十月}

海上秋风分外凉，况兼秋尽满天霜。江潭摇落树如此，鸱鸢哀鸣草不芳。猿啸三声三下泪，溪流九曲九回肠。沉忧已足催人死，那更萧辰滞异乡。

萧寺生涯借榻眠，英雄末路一枯禅。无人对哭惟呼佛，有路寻亲尚感仙。江西白仙乱坛知老母天上消息，将往访之。桑下浮屠留宿地，芦中穷士渡江年。空阶万叶如人走，问尔归根何处边。

舞戚刑天力不任，眼看驹隙去骎骎。死灰槁木无生意，海水枯桑是寸心。已觉身轻如委蜕，岂能头白作冤禽。劳歌那要他人和，鸟自鸣哀兽择音。

夜览陈编感逝川，漏舟焚屋岂安便。楚囚对泣因沉陆，杞国含愁为坠天。雌凤雄龙曾北走，铜驼金狄有东迁。百年何暇忧千岁，况我人闲剩两年。

513

仿佛咸阳大道旁，车鸡马狗一降王。送行衣为荆卿白，归里冠非信国黄。返骨故山依拱木，回头弱水拍扶桑。君亲家国无穷事，分付寒鸦点夕阳。

蟠胸奇气尚成虹，吐出千磨百折中。人海漫愁如漆黑，天门须信有灯红。九霄终办双亲聚，万古都从一笑空。自负大鹏希有鸟，休侪此豸可怜虫。

一别音容欲两春，苟延性命为严亲。母兮顾复生成我，某也东西南北人。三十七年浑似梦，四千余里更伤神。黄泉若不能相见，誓到黄泉再陨身。

闻道中朝又议和，汪童无命执干戈。伤心帝子秋风客，满目

群公春梦婆。燕雀处堂聊复尔，龙蛇起陆竟如何。君王丈二豕能借，化作沙虫矢靡他。

前因曾种几多回，后果千秋自此开。沧海桑生王远见，邯郸梁熟吕仙来。百年身世真皆幻，万古乾坤乐亦哀。不共昆明劫灰灭，丹光炯炯是灵台。

二十年前易实甫，而今自号哭龠僧。头颅未化西山雪，肝肺先成北海冰。下吊齐桓上帝誉，《楚词·大招》云：“上推帝誉，下齐桓只。”① 远惭柳惠近孙登。“远惭柳下，近愧孙登”，此嵇叔夜临终语也。此身行作阎浮土，蜗欲重抟恐不能。

**李眉生丈寓上海诗云：“谁知
曼衍鱼龙国，亦有凄清蟋蟀床。”李未
必有此床，似为余咏耳，因广其意，别作一首**

入裸国闻神禹裸，饮狂泉使伯夷狂。谁知海蜃嘘楼阁，只为天龙作道场。邹衍虚无九赤县，幼安自有一藜床。凄清曼衍何分别，老子婆婆已坐忘。

赠普陀华文禅师

南有华文北华盖，满洲蒙古两奇僧。昔谈葱岭嗟难到，今访莲洋恨未能。天外飞来一烟笠，人间过去万风灯。逢师便欲相从

① 此语不见于《楚辞》，惟《史记·屈原列传》云：“上称帝誉，下道齐桓，中述汤武。”

好，海水黏空倚瘦藤。

慈圣万寿节，沪市灯火甚盛，感赋一首

知是蜉蝣是螻蛄，纷纷六道与三涂。鸳鸯福禄春灯谜，魑魅神奸夏鼎图。火鼠烛龙烧互市，烽狼燧象照陪都。时倭寇猖獗，辽沈戒严。此时强制苍茫泪，不学王孙泣路隅。

金陵上刘峴帅四首，时以倭警被召

巍然一柱是天留，南北皆分圣主忧。人料苻坚难胜晋，帝知周勃可安刘。精忠岂作和戎使，伟略当超定远侯。更为曾胡弥阙憾，永攘夷狄奠神州。

强邻逐逐复耽耽，虎子须从虎穴探。率我八千新子弟，驱他五百旧童男。夏人慑宋惟韩一，楚国亡秦只户三。今日湘军盛天下，海东吹角达江南。

先帝亲裁大政初，明公宾榻正留徐。同治初年，家君请饷江西，峴帅留居抚署旬日。开尊屡饫郇厨饌，赠策还抽邺架书。皆当日事。魏阙江湖千里外，桑田沧海廿年余。空山老鹤怀威凤，敬向云霄问起居。

瞻韩御李感难禁，枵触生平泪满襟。墨经从戎思裹革，黄冠归里岂甘心。功名慷慨留皮豹，身世苍茫择木禽。欲执干戈负弓弩，前驱直入阵云深。

舟泊维扬作

秦川公子乍依刘，吹角连檣与壮游。眼底江山才建业，梦中灯火又扬州。重攀碧柳重魂断，一步红桥一泪流。万事都堪摧肺腑，惟应速死可销忧。

舟中即事，再上岷帅二首

516

经纶八表著云雷，勋业三朝望斗魁。童叟聚观温国人，华夷罗拜令公来。连营细柳如新沐，夹道甘棠是旧栽。江北江南齐颂祷，明年早破蔡州回。

廿年双鬓久成银，更向舟车阅苦辛。十万甲兵虽满腹，八千子弟未随身。难将赤手回天地，独有丹心动鬼神。国事艰危宸眷重，愿公加意保松筠。

和岷帅赠诗原韵二首

外王内圣比刘因，霁月光风度可亲。玉帐三千环虎旅，金壶十二选龙宾。除齐狄市无他寄，用曹参事就舜羹墙有特陈。东阁纶扉北门管，好襄九陛固重闉。

感怀流涕匪无因，万里驰书慰老亲。幸比梁公门下士，敢云王令幕中宾。尸当裹革沙场葬，血可披肝黼座陈。苦块余生墟墓客，岂期重睹凤城闉。

邗沟淮阴道中，咏怀古迹四首

芜城一赋吊南朝，来听秋坟唱鲍昭。有限春光化尘土，无穷
泪雨作波涛。过江兵马终终毙，亡国河山鼠亦妖。廿四桥头迎客
柳，不堪流涕更攀条。

龙舟凤舰久成尘，炀帝荒堤草不春。殿脚至今犹妇女，露筋
前代有神人。鬓眉照水吾多愧，节义如山史所珍。悄悄忧心慍群
小，谁知玉汝是雷蚊。

昔贤几辈竭临宫，淮海秦郎亦复同。苍狗白衣浮世幻，青蝇
贝锦潜人工。藤阴梦醒花迷路，天外云连水拍空。太息文游台上
客，一生常在百忧中。

一饭报恩忠可想，万家置冢孝何如。竟同鹏举死冤狱，无怪
马迁修谤书。隆准龙颜真锲薄，重瞳猿臂共欷歔。英灵若在应知
我，对哭韩江暮雨余。

感事书怀四首

四郊环垒辱如何，一柱擎天愧已多。沧景未收唐节钺，燕云
竟损宋山河。中朝党误牛僧孺，西域胡讥马伏波。时论吹毛终太
刻，世蕃未必果通倭。

方叔勋猷海内知，新承玉诏赴丹墀。布衣臣本南阳者，冠冕

人皆北斗之。吹垢大风占帝佐，来苏时雨应王师。连日风雨。行军司马多韩愈，早办平淮绝妙词。指同行徐进斋、王绍言诸君。

非熊大老叶鹰扬，何幸微躯附末光。元礼龙门声价倍，仲尼骥尾姓名彰。鞭惭后着人先我，父慕前驱伯为王。欲报君亲与知己，男儿端合死沙场。

墨经祥冠一罪人，早将死志告明神。水浆入口如周粟，苦块随身是越薪。敢慕虎头兼燕颌，幸攀凤翼与龙鳞。玉门不作生还想，无定河边别有春。余痛母，誓不欲生，愿提一旅效死。

518

司吾题壁四首

医闾重镇接居庸，列圣经营有旧踪。此日盟犹存白马，何人塞欲卖卢龙。云连蓬岛朝成墨，火照松山夕举烽。回首承平三十载，元戎谈笑久雍容。

黄金十万养桓桓，儿戏翻同灞棘观。海上鱼龙真跋扈，淮南鸡犬岂平安。二东瘠土壶浆困，三北残军器械殚。堪笑陈稀诸将领，贾人子亦复登坛。

羽檄征兵日夜过，貔貅万队荷雕戈。神灵拱卫雄三辅，忠义声名动两河。上郡防胡需魏尚，中朝用赵倚廉颇。同袍累世蒙恩蒙，休唱辽东浪死歌。隋末王薄作。

陪都莫任虏氛侵，天祖凭依望捷音。石马汗流唐祚永，铜驼

泪下杞忧深。星临吴分坚当败，雪满淮西济可擒。我请长缨惭墨经，悲歌涕泗欲盈襟。

山东境遇雪感作

淮徐行尽驿程长，九点齐烟接莽苍。鸡唱一声天已白，马通三尺地皆黄。南云欲别重回首，北雪初逢更断肠。不敢思量今昔事，寸心难敌万沧桑。

读进斋观察和诗有感，叠韵奉答二首

519

忍贪人世百年长，为念严亲两鬓苍。天末望云华愧白，军中遇雪竹歌黄。投醪挟纊皆流涕，叱驭回车总断肠。莫怪儿心如寸草，难将母腹当空桑。

万事随人论短长，寸衷耿耿告穹苍。晋侯经为从戎墨，信国冠难返里黄。虎口何如葬鱼腹，去年六月投湖不死。马蹄岂尚畏羊肠。出师未捷吾甘死，不恋成都八百桑。

赠进斋三叠韵

才兼学识备三长，生长幽燕更老苍。足迹县穷邹衍赤，尝随使日、美、秘三国。舌锋屋去赵佗黄。使装旧屏金银气，诗笔新窥铁石肠。君策六鳌吾附尾，相期濯足在扶桑。

感事四叠韵

汉家火德与天长，推运犹传计相苍。猾夏蛮骄乱朱紫，穷冬龙困战玄黄。征丁已竭千家血，呼癸难充万卒肠。攻守无方和议起，似闻时论欲烹桑。

蒙阴县地曰“公家程”者，似取
杜老《出塞》诗“公家有程期”之意，感而赋诗

简书能使鹤猿惊，介冑还愁虬虱生。无定河边思裹革，太行山下怕停旌。白云空洒思亲泪，黑水难闻唤女声。岁暮天涯堪痛哭，岂知身在亚夫营。

蒙山下有天齐庙，解鞍小憩，感而有作

眼底东蒙八九峰，坐旁前代两三松。荒祠土偶纷无数，断碣苔花绣几重。防墓涕流伤孔辙，沧溟指点尽尧封。此身毕竟归何所，待上天门跨白龙。

题壁二首

熊羆貔貅欲东伐，鸿雁乌鹄俱南飞。相头上冠将腰箭，母手中线儿身衣。一木难支大厦屋，寸草岂报三春晖。可以无死可以死，何忍不归何忍归。

一北再北羽书急，小东大东杼柚空。其惟云乎雨天下，何多日也露泥中。父曰母曰尚无死，叔兮伯兮靡与同。鱼柏堪怜郁冬日，《瓠子歌》：“鱼拂郁兮柏冬日。”①鲈莼难恋哭秋风。

羊流店有羊叔子祠，余已三过此

岘首碑曾拂薜花，羊流三度又停车。鹤谈畴昔千秋事，燕入寻常百姓家。五马渡江君不见，一龙战野我方嗟。人间兴废空尘土，掩泪荒祠落日斜。

重见泰山，一星终矣，土石无
情，能享十二万年之寿。余忧患余生，
亦思化为此物，不知造物许我否也，感赋一律

十年留命已辛勤，重见灵山映夕曛。鲁叟涕流防墓雨，梁公魂断太行云。前尘恍隔三千岁，旧友如逢七二君。愿把精诚通帝座，九霄歌哭本相闻。

晓发崔庄，望岱

昔年晞发向阳阿，今日重来是枕戈。立马岱宗青未了，闻鸡天下白如何。帝京北望云遮日，海国东看雪卷波。胸次携将千块垒，欲持相对比嵯峨。

① 拂，《史记·河渠书》原文作“沸”。